



NEKROPOLE U RIBIĆU I GOLUBIĆU

U selu Ribiću na desnoj obali Une, udaljenom oko 2,5 km jugoistočno od Bihaća, u toku 1896. i 1897. godin otkopavana je druga nekropla Japoda. Urne su po pravilu bile od zemlje, pokrivenе zemljanoz djelicom, dok je druga slična zdjelica predstavljala postolje. Neke od ovih urni bile su pokrivenе kamenor pločom. Šest urni nađeno je u cilindričnim, a jedna u četvrtasoj kamenoj urni. U većini urni pored spaljeno mrtvaca, nađeno je dosta nakita, nešto oružja i malih posuda. Među nakitom se izdvajaju fibule.

Najljepša je srebrna fibula s pažljivo okovanim zrnom jantara, za koju se može reći da bi je žene i dana rado nosile kao ukras.

Golubić se nalazi na lijevoj obali Une. Već prilikom prvih istraživanja ovih krajeva, naučnici su u tok istraživanja, pretpostavili, na osnovu mnogobrojnih nalaza da se u njegovoj okolini nalazio japodski gra Raetinium. Iz Golubića potiče veći broj rimskih nadgrobnih i drugih spomenika, a na vrhu brežuljka Crkvin otkriveni su posljednji ostaci temelja neke rimske građevine. Među predmetima koji su nađeni velik je broj nakita (narukvice, grivne za noge, nizovi jantarnih zrna, dugmad, fibule), koji je izrađen od bronze, a sam nekoliko primjeraka izrađeno je od željeza.

